



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Fasti Mariani Cum Divorvm Elogiis In Singvlos Anni Dies
Distribvtis**

**Brunner, Andreas
Pfeffer, Wilhelm**

Antverpiæ, 1637

S. Potamioena V. M. 28. Junii.

urn:nbn:de:hbz:466:1-44055

322 VITÆ SANCTORVM. 28.Iunii.
in ipso belli apparatu pulcherrimâ morte occu-
buit. Mortuus porrò, & currui impositus, sine
jumentorum hominumque ope in templum,
quod ab eo VIRGINI structum memoravimus,
non tam vehi, quām currere visus est. Obstupuit
ad miraculum orbis : at non ego etiam. Nam cur
filium mirer ad Matrem suam decurrere ? Ex Ant.
Bonfin.

Omnis delectatio hujus mundi, universa ejus gloria,
quidquid denique in eo concupiscitur, prorsus modicum
est, in illius beatitudinis comparatione ; si tamen vel
modicum dici debet, & non potius nihilum, & vapor ad
modicum parens. S.Bern.serm.de S.Clem.

S. POTAMIOENA V. M. 28.Iunii.

Felices nos, bona si nostra, si quæstum virtutis
& certa pietatis vestigalia noverimus : quan-
tillo possumus ditescere ! POTAMIOENA Alexan-
drina virgo formæ causâ cum multis conflictata
procis, & in illo certamine superior, ex amoris pa-
læstrâ in scenam crudelitatis transiit, ut ad podo-
ris lilia constantiæ laurum adjungeret. Aquila ho-
mo sanguinarius carnificinæ præterat, cuius in Po-
TAMIOENAM omnem atrocitatem effudit, certus
fidem illi vel vitam eripere : jactatam per omnia
tormenta, denique ad rogum cum Marcellâ ma-
tre damnavit. Virginis ducendæ cura Basilidi de-
mandata non omnino experti humanitatis, & mi-
tiori ingenio, quām pro tam barbaris ministe-
riis. Is ergo insultantem virginî multitudinem
compescuit, magisque fidei custodis, quām licto-
ris munus explevit. Hoc tantillum officium ne
suo auctori periret, curæ sibi fore, moritura virgo
promisit. Neque defuit dicto fides. Triduo à mor-

29.Iunii. VITÆ SANCTORVM. 323
te exacto, ad Básilidem revisit, eiq[ue] coronam ci-
vicam velut servatori suo imposuit. Ille ex dona-
tivo benevolentiam Numinis aestimans, statuit
integrum stipendum mereri, & confessim aucto-
ratus Christo, fidem illi abscisso capite probavit.
I, dic magno constare cælum: quantulum dedit
Basilides, ut ex lictore Martyr fieret? Ex Euseb.
Hist.Ecccl.lib.6.cap.4.

*Sanctorum Martyrum esto discipulus: Hi ardenter
rogum virtute Dei & fide vicerunt: vince igitur &
tu ardentes concupiscentie flamas. Cruciatu supera-
runt, spe, qua est in Christo, subnixi; tu quoque turpes
passiones pudicitia & cogitatione pietatis superare con-
tende. S. Ephr.de Laudib.SS.MM.*

SS. PETRUS & PAULUS. 29.Iunii.

Recipiens hodie Roma, misso cum Remo Ro-
mulo, conditores suos PETRVM & PAVLVM
salutat, quando huic melioris orbis imperium ca-
pite suo pepererunt. Et PETRVS quidem, qui pro
CHRISTO in terris rem Christianam administra-
vit, quæ ad ignem peccaverat, semper oculorum
imbre plectens, cum captus, & in vincula datus ab
Herode, ab Angelo exemptus esset, morbos pas-
sim omnes vel umbrâ suâ fugasset; demum orbem
in Urbe adortus, CHRISTI signa primus Romę in-
tulit. Hic ubi præstigiatores Simonem in cælos
(ut ipse quidem ajebat) volantem humi dedit præ-
cipitem, Neronis furori cedens, CHRISTVM ob-
vium habuit, qui rogatus quò iret, Romam ire
se ad alteram crucem respondit. Implevit vati-
cinium CHRISTI continuò PETRVS; sed ut Ma-
gistro honorem cederet, inverso corpore tolli in
crucem voluit, quò capite terris hoc pedibus cæ-